

POVDIITTÄS

AANAAR SIIDA-MUSEO KAMMIN VÁSTUPPEEIVI 18.5.2018 TIJME 18 – 21

Suomâ haldättâs lii roovvâdmáánnud 19. peeivi 2017 almottâm, ete tot aalgât sâmmilij aašij kyeskee sovâdättâmproosees valmâštállâm. lãvtuttâs proosees aalgâtmist lii puáttám Sâmitiggeest.

Staatâräädi kanslia ja vuoigâdvuotâministeriö ohtsâšpargoost Suomâ Sâmitiggijn láá seelvâtmin, maggaar asâtemm já jieš máhđulâš sâmmilij tuotâvuotâ- já sovâdättâmkomissio (TSK) Suomâst kolgâččij leđe. Máhđulii komissio mandaatist, noomâst teikkâ komissaarijn ij lah porgum val mihheen miärádâsâid. Sâmmilij kuullâm já sii huámášumán vâldim láá proosees vuáđđun já iähtun. Staatâ haalijd tääl kuullâđ sâmmilij uáivilijd, jurduid, tuoivuid já paloid komissio iähtun ávus savâstállâmtilálâšvuodâin miätá Säämi já stuárráamuin kaavpugijn Suomâst.

Teivâdmij keevâtlíi orniimist iššeen láá jieškote-uv seervih Säämist já sâmiseervih stuárráábijn kaavpugijn. Tilálâšvuodâi kiellân lii tavesâmikielâ tavesâmikiel kuávluin, anarâškielâlijn já nuorttâlâškielâlijn kuávluin tilálâšvuotâ tulkkojuvoo anarâš- já nuorttâlâškielân tađe miel, kost teivâm uárnejuvoo. Puoh tilálâšvuodâin kiellân lii meiddei suomâkielâ.

Algâalmugâid kyeskee tuotâvuotâ- já sovâdättâmkomissioprosessáin lii ulmen tutkáđ já luptiđ uáinusân ubâ aalmugân kollektiivlãvt vaikuttâm puástuvuodâid. Kollektiiv puástuvuodâin láá lamaš, já láá, jieškote-uvlágán vaikuttâsah oovtâskâs ulmui.

Maid komissio kolgâččij Tuu mielâst kiedâvuššâđ? Láá-uv Tust uáivileh proosees iähtun? Jis láá, te puávtáh muštâliđ jieččâd uáivil ávus teivâdmist njálmálãvt teikâ kirjálãvt. Jis jieš peesâ puáttiđ teivâdmân, te vuolgât uáivilãd šleđgâpostáin čujottâsân sapmi@vnk.fi majemustáá kesimáánnud 29. peeivi. Komissio, mon sehe oovtâskâs ulmuuh, ete ubâ siärvudâh tuhhiittiččii, puávtáččij leđe miel di muttemin munejurduid já pyreedmin aašijd.

Kuovâmáánnud 10. peeivi 2018 Anarist uárnejui seminaar, mast almugijkoskâsih kyesih muštâlii ferimijd jo čodâldittum Tuotâvuotâ- já sovâdättâmkomissio-prosessijn – puorijd, hiäjuid já tivrás uápuid, maid kalga vâldiđ huámášumán vâi prosessist šodâččij nuuvt pyeri ko máhđulâš. Seminaar lii uáinimnáál Interneetist Staatâräädi kanslia YouTube-kanavast.

Mun vuárdám teivâđ Tuin – Tiervâpuáttim!

Ustevlãvt,

Ánneristen Juuso
Spesiaalâššitobdee
Staatâräädi kanslia